

Es war immer zu spät

Drei Worde nur: „Isch honn disch lieb“,
nitt gesaad – nitt geschrieb.
Unausgesproch sinn se geblieb.

E vasprochner Besuch – du haschd ne nitt vollzoh.
In da entscheidend Stunn warschde nitt doo.
E wischdischer Termin hadd ohngestonn,
doo hadd eewe e onnerer wahrgenomm.

Du haschd dei Gaade nitt winderfeschk gemacht,
obwohl de wääschd, de erschde Froschk kummd oft iwwa Naachd.
Du warschd gelaad zum große Feschd,
doch bis du kummschd, sinn längschd fort die onnere Gäschk.

Eh du's begriff haschd, um wasses gehd,
war's imma ze spääd!

Vazeihung ze sohn – dozu fähld dir de Mud.
Vielleischd gääb monsches dann doch noch gudd?

So awwer duschde disch ewisch quäle.
Ball weere dir dei Freinde fähle.
Ma kunnd joo niemols uff disch zähle.

Brauchschk nitt ze sohn:
„Wenn isch's noch moo ze mache hädd,
hädd isch wohl besser iwvaleed.“
Denn jetzt isses ze spääd.
Die Zeid is vorbei, wo de hädschk kinne sohn:
„Isch honn disch lieb - vazeih!“

